

Iosephum in Ægypto, multis aliis opulentissimis egentibus & laborantibus A iuxta promissionem: Non vos destitutam, &c.

SECUNDA PARS CAPITIS

Fames Ægypti.

- 13 Panis vero non erat in vniuersa terra, quoniam fames erat grauis valde, & defecit terra Misraim, & terra Canaan præ fame.
- 14 Collegit itaque Ioseph omne argentum, quod inuentum est in terra Ægypti, & in terra Canaan pro frumento, quod emebant: & intulit Ioseph argentum illud in domum Pharaonis.
- 15 Cumque consumpta esset pecunia è terra Misraim, & è terra Canaan, venerunt omnes Ægyptij ad Ioseph dicentes: Da nobis panem, & quare moriemur coram te? quoniam defecit pecunia.
- 16 Et dixit Ioseph; date pecora vestra, & dabo vobis pro pecoribus vestris, si defecit pecunia.
- 17 Adduxerunt ergo pecora sua ad Ioseph: & dedit eis Ioseph panem pro equis, & pro pecoribus, & pro ouibus, & pro bobus, & pro asinis: & sustentauit eos pane pro omnibus pecoribus eorum anno illo.
- 18 Absoluto autem illo anno iterum venerunt ad eum anno secundo, & dixerunt ad eum: non abscedemus à Domino meo, quod consumptum est argentum, & pecora iumentorum sunt apud Dominum meum, non remansit coram Domino meo, præterquam corpus nostrum & terra nostra.
- 19 Quare moriemur in oculis & nos & terra nostra: eme nos & terram nostram pro pane: & erimus nostra ac nostra terra serui Pharaonis, da semen, vt viuamus & non moriamur, & terra non desoletur.
- 20 Emit ergo Ioseph vniuersam terram Ægypti Pharaoni, vendiderunt enim Ægyptij quisque agrum suum: quoniam inualerat super eos fames: factaque est terra Pharaoni.
- 21 Populum vero transire fecit per vrbes ab vna extremitate termini Ægypti vsque ad alteram extremitatem eius.
- 22 Tantummodo terram Sacerdotum non emit: quoniam portio Sacerdotibus erat à Pharaone: & comedebant portionem suam, quam dabat eis Pharao: propterea non vendiderunt terram eorum.
- 23 Et dixit Ioseph ad populum: Ecce emi vos hodie, & terram vestram Pharaoni: En vobis semen, seminate ergo illam.
- 24 Et erit è frugibus dabitis quintam partem Pharaoni: quatuor autem partes erunt vobis pro semente agri, & pro cibo vestro, & iis, qui sunt in domibus vestris, & vt comedant paruuli vestri.
- 25 Tum dixerunt: viuificasti nos: inueniamus gratiam in oculis Domini mei: & erimus serui Pharaonis.
- 26 Posuit ergo Ioseph illud in statutum vsque in diem hunc, super terram Ægypti ipsi Pharaoni ad quintam partem: Duntaxat terra Sacerdotum solummodo non facta est Pharaoni.

EXPLA-